



Broj: 02-04-28548-6/22
Sarajevo, 21.07.2022. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka) i člana 37. stav (1) Zakona o pravobranilaštvu ("Službene novine Kantona Sarajevo", broj: 33/08, 7/12, 44/16 i 45/21) Vlada Kantona Sarajevo, na **214. vanrednoj** sjednici održanoj **21.07.2022.** godine, donijela je

ZAKLJUČAK


1. Prihvata se Izvještaj o radu Pravobranilaštva Kantona Sarajevo za 2021. godinu.
2. Izvještaj iz tačke 1. ovog zaključka dostavlja se Skupštini Kantona Sarajevo na nadležno odlučivanje.

P R E M I J E R

Edin Forto

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo pravde i uprave Kantona Sarajevo,
6. Pravobranilaštvo Kantona Sarajevo,
7. Evidencija,
8. A r h i v a.



Broj:
Sarajevo,

Na osnovu člana 18. Ustava Kantona Sarajevo ("Službene novine Kantona Sarajevo", br. 1/96,2/96, 3/96, 16/97, 14/00, 4/01, 28/04 i 6/13) i člana 37. Zakona o pravobranilaštvu ("Službene novine Kantona Sarajevo", br. 33/08 - Novi prečišćeni tekst, 7/12 i 44/16), Skupština Kantona Sarajevo na sjednici održanoj dana _____ godine, povodom razmatranja Izvještaja o radu Pravobranilaštva Kantona Sarajevo za 2021. godinu, donijela je sljedeći

ZAKLJUČAK

Usvaja se Izvještaj o radu Pravobranilaštva Kantona Sarajevo za 2021. godinu.

PREDSJEDAVAJUĆI
SKUPŠTINE KANTONA SARAJEVO
Elvedin Okerić

Broj:
Sarajevo,

OBRAZLOŽENJE

I PRAVNI OSNOV

Pravni osnov za donošenje ovog Zaključka sadržan je u čl. 18. Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04, 6/13 i 31/17), članu 37. Zakona o pravobranilaštvu („Službene novine Kantona Sarajevo broj: 33/08-Novi prečišćeni tekst, 7/12 i 44/16) i članu 120. Poslovnika Skupštine Kantona Sarajevo. Pravni osnov za izradu Izvještaja o radu Pravobranilaštva Kantona Sarajevo za 2020. godinu je član 37. stav 1. Zakona o pravobranilaštvu („Službene novine Kantona Sarajevo broj: 33/08-Novi prečišćeni tekst, 7/12 i 44/16), kojim je propisano da Pravobranilaštvo podnosi Skupštini i Vladi Kantona Sarajevo izvještaj o svom radu, kao i o uočenim pojavama i problemima u primjeni zakona i drugih propisa od značaja za ostvarivanje funkcije Pravobranilaštva. Ministarstvo pravde i uprave u skladu sa članom 37. stav 2. Zakona o pravobranilaštvu dostavlja Vladi i Skupštini Kantona mišljenje o podnesenom izvještaju, sa prijedlogom zaključaka.

II RAZLOZI ZA DONOŠENJE

Razlozi za donošenje ovog Zaključka proizilaze iz obaveze za podnošenje Izvještaja o radu Pravobranilaštva Kantona Sarajevo sadržane u članu 37. Zakona o pravobranilaštvu i Programu rada Skupštine Kantona Sarajevo za 2022. godinu.

Bosna i Hercegovina
Federacija Bosne i Hercegovine
KANTON SARAJEVO
Pravobranilaštvo Kantona Sarajevo



Босна и Херцеговина
Федерација Босне и Херцеговине
КАНТОН САРАЈЕВО
Правобранилаштво Кантона Сарајево

Bosnia and Herzegovina
Federation of Bosnia and Herzegovina

CANTON SARAJEVO
Public Defender's Office of Sarajevo Canton

Broj: Pk-17/22
Sarajevo, 27.06.2022. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo pravde i uprave

Bosna i Hercegovina
Federacija Bosne i Hercegovine
KANTON SARAJEVO


PRIMARNO	27.06.2022	Broj priloga
Obrada		
03	04	25883

PREDMET: Izvještaj o radu Pravobranilaštva Kantona Sarajevo za 2021. godinu, dostavlja se

Postupajući u skladu sa pozitivno pravnim propisima, u prilogu ovog akta Vam dostavljamo Izvještaj o radu Pravobranilaštva Kantona Sarajevo za 2021. godinu i to u dva primjerka u pisanoj formi i digitalnoj na CD mediju.

S poštovanjem,

v.d. PRAVOBRANILA [REDACTED]



<http://pb.ks.gov.ba>, e-mail: pb@pb.ks.gov.ba
Tel/fax: +387(0)33 214-033, +387(0)33 666-614 +387(0)33 226-024
Sarajevo, Branilaca Sarajeva 21

**IZVJEŠTAJ
O RADU PRAVOBRANILAŠTVA
KANTONA SARAJEVO**
za period 01.01.2021. do 31.12.2021. godine

Sarajevo, maj 2022. godine

IZVJEŠTAJ
O RADU PRAVOBRANILAŠTVA
KANTONA SARAJEVO
za period 01.01.2021. do 31.12.2021. godine

Sarajevo, maj 2022. godine

SADRŽAJ

IZVJEŠTAJ O RADU PRAVOBRANILAŠTVA KANTONA SARAJEVO.....	3
UVOD.....	3
NADLEŽNOSTI PRAVOBRANILAŠTVA.....	3
ZASTUPANJE.....	3
STRUČNA POMOĆ I DAVANJE MIŠLJENJA.....	4
PRINUDNA NAPLATA SUDSKE TAKSE.....	4
ZAKONSKI OSNOV.....	5
POSTUPCI PRED SUDOVIMA I POSLOVI ZASTUPANJA.....	5
PODACI O KRETANJU PREDMETA.....	7
PARNIČNI POSTUPAK "P".....	7
ZNAČAJNIJE PARNICE U 2021. GODINI.....	10
Značajnije parnice iz oblasti radno-pravnih sporova.....	10
Značajnije parnice iz oblasti obligaciono-pravnih sporova – naknada štete.....	13
Predmeti u kojim Kanton Sarajevo potražuje isplatu duga na ime koncesione naknade za eksploataciju.....	15
Značajniji postupci iz oblasti utvrđenja imovinsko pravnih odnosa.....	16
IZVRŠNI POSTUPAK.....	18
IZVRŠNI POSTUPAK ZA NAPLATU SUDSKE TAKSE.....	19
NAPLATA TROŠKOVA PARNIČNOG I IZVRŠNOG POSTUPKA KAO JAKO VAŽNA KARIKA U RADU PRAVOBRANILAŠTVA U 2021.GODINI.....	20
PРАВNA MIŠLJENJA.....	21
VANSUDSKE NAGODBE.....	21
STAMBENI UGOVORI.....	23
PREDMETI PRIPREME PRED PARNICU.....	24
IZVJEŠTAJ O JAVNIM NABAVKAMA.....	24
SISTEMATIZACIJA RADNIH MJESTA.....	26
OCJENA STANJA I POSTIGNUTI REZULTATI.....	29
SARADNJA PRAVOBRANILAŠTVA SA ORGANIMA KOJE ZASTUPA.....	29
PROGRAMSKA ORJENTACIJA ZA NAREDNI PERIOD.....	30

Shodno članu 37. Zakona o pravobranilaštvu ("Službene novine Kantona Sarajevo", broj 33/08, 7/12, 44/16 i 45/21), Pravobranilaštvo Kantona Sarajevo podnosi Skupštini i Vladi Kantona Sarajevo:

IZVJEŠTAJ O RADU PRAVOBRANILAŠTVA KANTONA SARAJEVO

za period od 01.01.2021. do 31.12.2021.godine

UVOD

Shodno Zakonu o Pravobranilaštvu ("Sl. Novine Kantona Sarajevo" br.33/08, 7/12, 44/16 i 45/21), Pravobranilaštvo Kantona Sarajevo (u daljem tekstu: Pravobranilaštvo) je državno tijelo koje preduzima mjere i pravna sredstva radi pravne zaštite imovine i imovinskih interesa Kantona Sarajevo i njegovih organa, kantonalnih organa uprave, kantonalnih upravnih organizacija, stručnih službi i drugih institucija čiji je osnivač Kanton Sarajevo, kao i preduzima mjere i pravna sredstva radi pravne zaštite imovine i imovinskih interesa Općine Ilijaš.

Sjedište Pravobranilaštva Kantona Sarajevo je u Sarajevu, na adresi Branilaca Sarajeva 21/1.

Pravobranilaštvom Kantona Sarajevo rukovodi pravobranilac. Funkciju kantonalnog pravobranioca do 13.12.2021.godine je obavljao Kemal Karić, dok je ostatak godine funkciju vršioca dužnosti kantonalnog pravobranioca obavljao Samir Termiz, dotadašnji zamjenik pravobranioca.

NADLEŽNOSTI PRAVOBRANILAŠTVA

ZASTUPANJE

Pravobranilaštvo preduzima pravne radnje, radi zaštite imovine i imovinskih interesa Kantona, pred sudovima i drugim nadležnim organima, kao i u drugim slučajevima zaštite imovine i imovinskih interesa Kantona, kada je na to ovlašteno zakonom.

U preduzimanju navedenih pravnih radnji, kao i u drugim slučajevima kada je na to ovlašteno zakonom, Pravobranilaštvo ima položaj i prava stranke u postupku, te je ovlašteno da preduzima sve radnje koje preduzima stranka u postupku.

Pravobranilaštvo vrši poslove pravne zaštite imovine i imovinskih interesa Kantona i njegovih organa, kantonalnih organa uprave, kantonalnih upravnih organizacija i stručnih službi i drugih institucija čiji je osnivač Kanton.

Izuzetno, Pravobranilaštvo vrši poslove pravne zaštite imovine i imovinskih interesa javnih preduzeća, javnih ustanova i drugih pravnih lica čiji je osnivač, odnosno suosnivač Kanton, a po zahtjevu osnivača, odnosno suosnivača.

Ako Vlada Kantona drugačije ne odluči, Pravobranilaštvo, pored vršenja poslova određenih zakonom, zastupa Kanton u postupcima pravne zaštite imovine i imovinskih interesa Kantona pred stranim sudovima, arbitražama i drugim stranim državnim organima i organizacijama.

Također, Pravobranilaštvo Kantona Sarajevo može zastupati navedene organe koji su tuženi u upravnom sporu, ako ga isti na to ovlaste.

STRUČNA POMOĆ I DAVANJE MIŠLJENJA

Pravobranilaštvo pruža stručnu pomoć organima, fondovima, preduzećima i drugim pravnim licima čiji je osnivač Kanton u rješavanju imovinsko-pravnih pitanja i daje mišljenje u vezi sa zaključivanjem ugovora imovinsko-pravne prirode.

Navedeni organi i pravna lica dužni su pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prenosu na privremeno ili trajno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća, kao i drugih ugovora kojima se pribavljaju stvari ili raspolaze stvarima, odnosno materijalnim pravima, te ukoliko je predmet pravnog posla pokretna stvar ili imovinsko pravo čija vrijednost prelazi 10.000 KM na dan utvrđivanja vrijednosti.

Pored toga, Pravobranilaštvo daje Skupštini Kantona i organima Kantona, na njihov zahtjev, pravno mišljenje o imovinsko-pravnim ugovorima koje namjeravaju da zaključe sa stranim pravnim i fizičkim licima, kao i o drugim imovinsko-pravnim odnosima sa tim licima.

U postupku donošenja općih akata, kojima se uređuju imovinsko-pravni odnosi, prava i obaveze prema stvarima i vlasništvu Kantona, obavezno se pribavlja mišljenje pravobranioca.

PRINUDNA NAPLATA SUDSKE TAKSE

Pravobranilaštvo Kantona Sarajevo je na osnovu člana 30. stav 2. Zakona o sudskim taksama Kantona Sarajevo ("Sl. novine Kantona Sarajevo", br. 36/2014 i 23/2016) ovlašteno za prinudnu naplatu neplaćene sudske takse, te na osnovu dostavljenog rješenja suda i obavještenja o neplaćenju taksi pokreće pred nadležnim sudom izvršni postupak.

ZAKONSKI OSNOV

Pravobranilaštvo postupa u skladu sa utvrđenim nadležnostima propisanim Zakonom o pravobranilaštvu i drugim propisima, na temelju državnih, federalnih i kantonalnih zakona, kao i podzakonskih akata.

Osim nadležnosti i djelokruga rada Pravobranilaštva iz ovog Zakona, nadležnost Pravobranilaštva je predviđena i drugim propisima: Zakonom o građevinskom zemljištu ("Sl. novine FBiH", br. 25/2003, 16/2004 - ispr., 67/2005 i 94/2018 - odluka US), Zakonom o eksproprijaciji ("Sl. novine FBiH", br. 70/2007, 36/2010, 25/2012, 8/2015 - odluka US i 34/2016), Zakonom o visokom obrazovanju ("Sl. novine Kantona Sarajevo", br. 33/2017, 26/2019 - autentično tumačenje, 35/2020 i 40/2020), Zakonom o sudskim taksama Kantona Sarajevo ("Sl. novine Kantona Sarajevo", br. 36/2014 i 23/2016), Zakonom o stvarnim pravima ("Sl. novine FBiH", br. 66/2013, 100/2013 i 32/2019 - odluka US) koji je počeo sa primjenom 05.03.2014.godine., te drugim propisima.

POSTUPCI PRED SUDOVIMA I POSLOVI ZASTUPANJA

U okviru aktivnosti na poslovima zastupanja, Pravobranilaštvo je bilo angažovano na slijedećim poslovima:

- sačinjavanju tužbi i upućivanje istih nadležnim sudovima,
- izradi odgovora na tužbe zaprimljene protiv Kantona,
- učešće na ročištima,
- izrada pismenih podnesaka u toku trajanja postupka,
- ulaganju redovnih i vanrednih pravnih lijekova protiv odluka sudova,
- podnošenje apelacija pred Ustavnim sudom BiH,
- uključivanje u svojstvu umješaka u sudske sporove na strani parnične stranke,
- davanju pismenog odgovora na pravne lijekove druge stranke u postupku,
- zaključivanje sudskih nagodbi, kao i pokušaj rješavanja sporova putem medijacije,
- sačinjavanju opomena pred tužbu i dr.



U 2021. godini u radu Pravobranilaštva evidentirano je ukupno 12.475 predmeta, od kojih je 2.190 parničnih predmeta (P), 4.097 izvršnih predmeta (I), 3.156 predmeta izvršnog postupka za sudsku taksu (It), 56 upravnih predmeta (U), 281 mišljenje (M), 2057 mišljenja za vansudske nagodbe, 20 vanparničnih predmeta (Rv), 28 upravnih sporova (Us), 11 mišljenja u vezi nadležnosti Pravobranilaštva shodno čl. 16. Zakona o građevinskom zemljištu i čl. 363. Zakona o stvarnim pravima (Um), 424 internih spisa (Pk), 9 stambenih predmeta (Su) i 146 predmeta - priprema za parnicu (Pr).

Prema vrsti predmeta, tj. predmetu spora i postupaka shodno odredbama Pravilnika o poslovanju i vođenju evidencije u Pravobranilaštvu Kantona Sarajevo ("Sl.novine Kantona Sarajevo", broj 17/08) u kojima se Pravobranilaštvo pojavljuje kao zakonski zastupnik organa koje zastupa za period od 01.01.2021.–31.12.2021.godine, tabelarni pregled izgleda kako slijedi:

Vrsta Predmeta	Prenešeno iz ranijih godina	Primljeno u 2021.g	Ukupno u radu 2021.g	Riješeno u 2021.g	U radu sud organ uprave	Postotak riješenosti
"P" (parnični)	2.075	115	2.190	421	1.769	19,22%
"I" (izvršni)	3.274	823	4.097	128	3.969	3,12%
"It" (izvršni postupak za sudsku taksu)	1.487	1.669	3.156	542	1.049	17,17%
"Rv" (vanparnični)	14	6	20	5	15	25,00%
"M" (mišljenja)	58	223	281	203	78	72,24%
"VSN" (mišljenja za vansudske nagodbe)	/	2.057	2.057	587	/	28,53%
"Pr" (priprema)	77	69	146	37	109	25,34%
"Us" (upravni spor)	22	6	28	3	25	10,71%
"U" (upravni postupak)	37	19	56	16	40	28,57%
"Um" (mišlj. čl. 16.ZOGZ)	6	5	11	0	11	0%
"PK" (interni spisi)	0	424	424	424	0	100%
"Su" (stambeni)	0	9	9	9	0	100%
UKUPNO	7.050	5.425	12.475	2.375	7.065	19,04%

PODACI O KRETANJU PREDMETA

Pravobranilaštvo je unatoč teškoj atmosferi za rad izazvanoj COVID-19 virusom imalo visok broj ulazne i izlazne pošte, kao i u prethodnoj godini. Tabela pregled iste, daje nam određeni uvid u kretanje spisa po mjesecima u izvještajnom periodu, odnosno obimu poslova i zadataka koje je ovo Pravobranilaštvo obnašalo u protekloj godini, posebno ističući da Pravobranilaštvo ima određen broj sistematizovanih a nepopunjenih radnih mjesta, te da je jedna od zamjenica pravobranioca na porodijskom odsustvu, kao i da je više zaposlenih bilo pogođeno COVID-19 virusom.




PARNIČNI POSTUPAK "P"

Parnični postupci su najsloženiji sudski postupci u kojem se rješavaju sporni odnosi, u kojima se od stranaka koje učestvuju u postupku zahtijeva visok stepen znanja i angažovanja. Parnični postupak predstavlja redovan put zaštite povreda prava proisteklih iz građansko pravnih odnosa subjekata prava, kao i odnosa sa javnom vlasti. Parnični postupci se pokreću tužbom. Parnične stranke u postupku su tužitelj i tuženi, te se u parnici kao treće lice mogu pojaviti i umještači kada isti učestvuju na strani jedne parnične stranke i žele da parnična stranka uspije u sporu. Kanton Sarajevo koji zastupa Pravobranilaštvo u sudskim postupcima učestvuje u svojstvu tužitelja, svojstvu tuženog ili u svojstvu umještača.

U ovom izvještajnom periodu bilo je ukupno u radu 2190 parničnih predmeta, od kojih je 2075 predmeta kao nezavršenih preneseno iz prethodnih godina. U 2021. godini je evidentirano 115 novih predmeta. Nesrazmjer između prenesenih predmeta iz ranijih godina i novozaprimljenih predmeta jeste posljedica dugotrajnog vođenja postupaka pred sudovima. Pod predmetima koji su preneseni iz ranijeg perioda između ostalih su i


predmeti koji su po uvaženim žalbama Pravobranilaštva ukinuti pred drugostepenim sudom i vraćeni na ponovni postupak.

Grafički prikaz "P" predmeta u 2021. godini




U 2021.godini pravosnažno je okončana 421 parnica i to: 59 sa pozitivnim ishodom, 331 parnica sa negativnim ishodom i 31 parnica okončana na drugi način. Razlozi negativnih ishoda parnica iz radnih odnosa su identični za sve vrste potraživanja razlika plaća u prethodnom periodu. Neusklađenost propisa, tačnije smanjenja plaća suprotno imperativnim zakonskim propisima, dovela su do negativnih posljedica u vidu gubljenja parnica. Važno je istaći da su gubici uvećani za troškove sudskog postupka, nalaze vještaka u postupcima i zakonske zatezne kamate. Na naprijed navedene posljedice i negativne ishode po budžet Kantona Sarajevo, Pravobranilaštvo je ukazivalo više puta.

Postotak riješenosti (%)



421 okončana parnica




Pravobranilaštvo je tokom 2021. godine uložilo 209 žalbi na presude, izjavilo protiv II stepenih presuda 19 revizije Vrhovnom sudu FBiH (revizija je dopuštena samo ako vrijednost spora pobijanog dijela po pojedinačnom tužitelju prelazi 10.000,00 KM, odnosno nakon izmjena Zakona o parničnom postupku 30.000,00 KM u općim sporovima i 50.000,00 u privrednim), te uložilo protiv II stepenih presuda ili presuda Vrhovnog suda FBiH i 10 apelacija Ustavnom sudu BiH.

U ovom periodu nosioci pravobranilačke funkcije pristupili su na više od 700 ročišta pred sudovima u Sarajevu, Goraždu, Visokom i Sokocu, s tim da treba naglasiti da su zbog situacije izazvane COVID – 19 virusom, određeni broj zakazanih ročišta sudovi odgađali.

Po vrsti i predmetu spora, najveći broj postupaka odnosi se na predmete po osnovu:

- radni sporovi (potraživanje naknada na ime regresa, toplog obroka, jubilarne nagrade, razlike plaća po više osnova, naknada za prevoz, posebni dodatak na plaću, noćni rad, prekovremeni rad i dr.);
- sporovi obligaciono pravne prirode (radi duga iz obligacionih odnosa, po osnovu koncesija, kredita i dr.);
- naknada šteta (naknada materijalne i nematerijalne štete-zbog povreda nanesenih ujedom pasa i drugih razloga, oštećenje imovine usljed neodržavanja saobraćajnica i dr.);
- utvrđenja imovinsko-pravnih odnosa (prava vlasništva, stanarskog prava i dr.) i dr.



ZNAČAJNIJE PARNICE U 2021. GODINI

Značajnije parnice iz oblasti radno-pravnih sporova

Smatramo da je određene radne sporove navedne u okviru ovog odjeljaka izvještaja značajno spomenuti iako vrijednost spora u novčanom smislu nije značajna. Naime, priroda određenih sporova – utvrđivanje diskriminacije koja je navodno počinjena od strane Vlade KS i predstavnika sudskih i organa uprave, te moguće posljedice u socijalnom smislu u slučaju donošenja presuda kojim bi se tužbeni zahtjevi usvojili tj. sud utvrdio da je došlo do diskriminacije, kako to tužitelji tvrde, daje poseban značaj ovim predmetima. Ono po čemu se navedeni predmeti također ističu je izuzetna obimnost predmeta, konkretno dokaznog materijala, koja iziskuje značajno vrijeme koje je utrošeno za pregled i analizu istih.

Novе tužbe namještenika uposlenih u upravnim organima i uposlenika pravosudnih institucija (namještenici, sudije i tužioc) u Kantonu Sarajevo su obilježile 2021. godinu. Kada su u pitanju predmetne tužbe navedenih uposlenika, tužbeni zahtjevi se temelje pretežno na dva osnova. Prvi osnov je potraživanje razlike plaće namještenika po osnovu posebnih uslova rada. Drugi osnov se odnosi na razliku plaća nastalih usljed pripravnosti na radu, koja je propisana Kolektivnom Ugovorom za službenike organa uprave i sudske vlasti.

Tužbeni zahtjevi tužilaca odnose se na razliku plaća ostvarenih na osnovu prekovremenih sati na ime dežura. Naime, tužioc pored redovnog radnog vremena obavljaju i obavezne 24 satne dežure zbog čega smatraju tužbene zahtjeve osnovanim.

Značajniji predmeti iz oblasti radno pravnih odnosa predstavljeni su u tabeli koja slijedi.

Red. br.	Broj pred.	TUŽITELJ	TUŽENI	TUŽBENI ZAHTJEV	VRIJEDNOST SPORA	FAZA POSTUPKA
1.	P - 15/18	Sindikat radnika u zdravstvu KS	1. Kanton Sarajevo 2. Sindikat doktora medicine i stomatologije	Utvrđenje diskriminacije odredbi Kolektivnog ugovora	10.100,00 KM	U toku – uložena žalba na presudu
2.	P – 129/17	1. Demić Enisa 2. Dedović Miralem	1. Kanton Sarajevo Ministarstvo za rad, socijalnu politiku, raseljena lica i izbjeglice KS	Utvrđenje vršenja diskriminacije po pitanju	Nije izražena u novcu	U toku

			2.Amela Dautbegović	radnih uslova		
4.	P - 48/20	Vegara Alma	Kanton Sarajevo, Kabinet premijera	Poništenje rang liste, obavijesti Kabineta premijera KS i Rješenja odbora za državnu službu	5.000,00 KM	Okončan - Pravosnažno Rješenje kojim se konstatuje povlačenje tužbe
5.	P - 75/18	Radonjić Goran	Kanton Sarajevo, Vlada KS, Policijski odbor (uz učešće 40 umješaka)	Poništenje rješenja Policijskog odbora Vlade KS kao i Liste unaprijeđenih kandidata	5.000,00 KM	Okončan – Odbijen tužbeni zahtjev
6.	P - 33/21	Hulusić Mirza	Kanton Sarajevo, Vlada KS	Utvrđenje nezakonitosti rješenja kojim je tužitelj razriješen sa funkcije direktora Zavoda za izgradnju KS	5.100,00 KM	U toku – Tužitelj je izjavio žalbu na u cjelosti odbijen tužbeni zahtjev
7.	P -	Djedović Hajrudin	Kanton Sarajevo, Vlada KS, Ministarstvo saobraćaja KS	Određivanje sudske mjere osiguranja	1.000,00 KM	Okončan – odbijen prijedlog tužitelja
8.	P -	Flamur Šlaki	1. Kanton Sarajevo, 2. KJP Skenderija, 3. Bećirović Hajriz	Utvrđenje diskriminacije, vraćanje na rad i naknada štete	80.803,00 KM	Okončan – odbijen tužbeni zahtjev u odnosu na Kanton
9.	P- 541/13	Kurtović Salem	Kanton Sarajevo, Vlada KS, Ministarstvo unutrašnjih poslova KS	Poništenje postupka unaprijeđenja policijskih službenika	5.100,00 KM	Podnesen prijedlog umješaka za ponavljanje postupka, obzirom da je tužbeni zahtjev usvojen
10.	P - 159/19	Timur Gadžo	1. Kanton Sarajevo, Vlada KS, Premijer KS	Poništenje rješenja o imenovanju I	5.001,00 KM	U toku – Općinski sud u Sarajevu će spis dostaviti

			2. Vlada Federacije BiH, Odbor državne službe za žalbe FBiH	razrješenju direktora Zavoda za informatiku i statistiku		Ustavnom sudu radi ocjene ustavnosti pojedinih odredbi Zakona o državnoj službi
11.	-	Namještenici MUP-a KS	Kanton Sarajevo, MUP KS	Utvrđivanje diskriminacije i nadoknade iz radnih odnosa	-	Obzirom da su u toku godine donesene dvije presude kojim se odbija tužbeni zahtjev, ostalih 40ak tužitelja je povuklo tužbene zahtjeve
12.	-	Namještenici Općinskog suda i Kantonalnog Tužilaštva u Sarajevu	Kanton Sarajevo, Općinski sud u Sarajevu / Tužilaštvo KS	Isplata potraživanja iz radnog odnosa na ime pripravnosti za rad	-	Usvojeni određeni tužbeni zahtjevi, dok su određeni povučeni obzirom da su obezbijedena sredstva za isplatu
13.	-	Namještenici Općinskog suda	Kanton Sarajevo, Općinski sud u Sarajevu	Isplata potraživanja iz radnog odnosa na ime posebnih uslova rada	-	U toku
14.	P - 18/20	Aida Bajraktarević i drugi	Kanton Sarajevo, Tužilaštvo KS	Isplata potraživanja iz radnog odnosa	1000,00 KM x 16 tužitelja	Ustavni sud donio odluku da Zakon o plaćama i naknadama sudija i tužilaca FBiH nije u skladu s Ustavom BiH
15.	P - 12/21	Aman Mutapčić	1. Kanton Sarajevo, Ministarstvo pravde i uprave, 2. Federacija BiH	Utvrđivanje i otklanjanje diskriminacije	5.100,00 KM	U toku
			1. Kanton			

16.	P – 34/20	Slugić Vinko	Sarajevo, Ministarstvo unutrašnjih poslova, 2. Kanton Sarajevo, Vlada KS	Isplata potraživanja iz radnog odnosa	11.000,00KM	Doneseno Rješenje kojim se tužba smatra povučenom. U toku postupak po žalbi tužitelja
17.	P – 27/20	Kapo Elvedin	1. Kanton Sarajevo, Ministarstvo unutrašnjih poslova, 2. Kanton Sarajevo, Vlada KS	Isplata potraživanja iz radnog odnosa	11.000,00KM	Doneseno Rješenje kojim se tužba smatra povučenom. U toku postupak po žalbi tužitelja

Značajnije parnice iz oblasti obligaciono-pravnih sporova – naknada štete

Kao i svake godine i u 2021.godini, Pravobranilaštvo je od organa uprave zaprimilo zahtjeve sa pratećom dokumentacijom za pokretanje parničnih postupaka za nakandu štete nastale po različitim osnovama. S druge strane zapimali smo tužbe u kojima je Kanton tužen po istom osnovu. U tabeli ispod predstavljene su najznačajnije parnice po osnovu naknade štete koje su zaprimljene, u toku su ili su pak okončane u predstojećoj godini.

Re d. br.	Broj pred.	TUŽITELJ	TUŽENI	TUŽBENI ZAHTEJ	VRIJEDNO ST SPORA	FAZA POSTUPKA
1.	P – 20/21	"Sinkro" d.o.o. Sarajevo	Kanton Sarajevo, Ministarstvo privrede KS	Naknada štete po osnovu izmakle koristi	50.001,00 KM	U toku
2.	P - 119/19	Agencija za zaštitu ljudi i imovine "SAS SECURITY" d.o.o. Sarajevo	1. Sarabon d.d. Sarajevo, 2. Kanton Sarajevo	Isplata duga	297.334,19 KM	U toku odlučivanje po žalbi tužitelja i prvotuzenog – odbijen tužbeni zahtjev u odnosu na Kanton

3.	P – 10/20	Boris Farkić	1. Kanton Sarajevo, 2. Bosna i Hercegovina	Naknada štete nastale nezakonitim radom sudije Općinskog suda u Sarajevu	274.400,00 KM	Ponovljeni postupak u toku
4.	P -	"EURODAM-JAS" d.o.o. Lukavac	Kanton Sarajevo, Ministarstvo unutrašnjih poslova KS	Naknada štete	153.320,85 KM	Okončan – odbijen tužbeni zahtjev tužitelja
5.	P -	1. Kanton Sarajevo, 2. Općina Ilijaš	"Mipro gradnja" d.o.o. Ilijaš	Radi raskida ugovora i povrata plaćenog iznosa	163.661,40 KM	Okončan - usvojen tužbeni zahtjev Kantona – u toku izvršni postupak
6.	P -	"Sarajevoputevi" d.d. Sarajevo	1.Kanton Sarajevo, Direkcija za puteve KS, 2. Općina Ilidža	Naknada štete po osnovu izmakle koristi	55.000,00 KM	Prvostepenom dolukom odbijen tužbeni zahtjev - U toku odlučivanje po žalbi tužitelja
7.	P – 683/ 14	Hidrogradnja d.d. Sarajevo	Kanton Sarajevo	Naknada štete po osnovu izmakle koristi	1.622.744, 94 KM	Okončan – Odbijen tužbeni zahtjev, kao i apelacija Ustavnom sudu
8.	P – 91/13	Elektroprivreda BiH – Elektrodistribucija Sarajevo	Kanton Sarajevo, Vlada KS	Dug po osnovu Ugovora o sufinansiranju izgradnje elektroenergetskih objekata	80.000,00 KM	Okončan – Presudom Kantonalnog suda potvrđena prvostepena presuda
9.	P- 112/20	Kasapović Elma	1. Kanton Sarajevo, 2. KJKP "RAD" d.o.o. Sarajevo	Naknada materijalne i nematerijalne štete	100.000,00 KM	U toku

10.	P - 152/ 19	Brko Mensud	Kanton Sarajevo, Ministarstvo unutrašnjih poslova	Naknada štete	11.000,00K M	U toku
-----	-------------------	-------------	---	---------------	-----------------	--------

Predmeti u kojim Kanton Sarajevo potražuje isplatu duga na ime koncesione naknade za eksploataciju

Pravobranilaštvo Kantona Sarajevo pred Općinskim i Kantonalnim sudom u Sarajevu vodi parnice u vezi sa potraživanjima na ime eksploatacije građevinskog kamena i eksploatacije vode.

U većini predmeta ove vrste pravni osnov za utuženje je bila Odluka o naknadi za eksploataciju vode na području Kantona Sarajevo (Sl.novine Kantona broj 29/12), koja je početkom 2018. godine stavljena van snage. Riječ je, dakle, o koncesionarima sa kojima Koncesor nije ima zaključen ugovor.

Podsjećanja radi prema definiciji koncesija predstavlja davanje prava na korištenje prirodnih bogatstava, dobara u općoj upotrebi ili obavljanje djelatnosti od općeg interesa, koje nadležni kantonalni organi (koncesor) dodjeljuje na određeno vrijeme, uz plaćanje koncesione naknade, domaćem ili stranom pravnom ili fizičkom licu registrovanom za obavljanje privredne djelatnosti (koncesionar), pod uslovima propisanim Zakonom.

Red . br.	Broj pred.	TUŽITELJ	TUŽENI	TUŽBENI ZAHTJEV	VRIJEDNO ST SPORA	FAZA POSTUPKA
1.	P - 80/18	Kanton Sarajevo	"Željezara Ilijaš" d.d. Ilijaš	Naknada za eksploatisanu vodu	82.840,32 KM (tužbeni zahtjev preciziran na iznos od 1.030.837,5 0 KM, shodno nalazu vještaka)	U toku odlučivanje po žalbi tuženog - tuženi presudom obavezan na isplatu iznosa od 569.050,00 KM + kamate i troškovi
2.	P - 522/ 16	Kanton Sarajevo	"Hoteli Iliđža" d.d. Iliđža	Naknada za eksploatisanu vodu	311.067,05 KM	U toku
3.	P -	Kanton Sarajevo	"Hoteli Iliđža"	Naknada za eksploatisanu	212.798,51	U toku

	70/18		d.d. Ilidža	vodu	KM	
4.	P -	Kanton Sarajevo	KJP "Poljoprivredno dobro Butmir" d.o.o. Ilidža	Naknada za eksploatisanu vodu	216.077,78 KM	Okončan - u cjelosti usvojen tužbeni zahtjev
5.	P - 422/ 13	Kanton Sarajevo, Ministarstvo privrede KS	"Coca Cola B-H" d.o.o. Sarajevo	Naknada za eksploatisanu vodu	358.557,00 KM	Drugostepenom presudom usvojen tužbeni zahtjev Kantona - tuženi uložio reviziju

Značajniji postupci iz oblasti imovinsko pravnih odnosa

Među najznačajnijim postupcima iz ove oblasti smatramo da su utvrđivanja prava vlasništva, bilo da se Kanton Sarajevo nalazi na strani tužitelja ili na suprotnoj strani.

Riječ je dakle o postupcima u kojima se zasigurno provodi najveći broj dokaza, postupci koji imaju gotovo uvijek velike vrijednosti pa im se iz tih razloga posvećuje najviše vremena, energije i znanja. U slijedećoj tabeli prikazani su najznačajniji postupci iz ove oblasti.

Red . br.	Broj pred.	TUŽITELJ	TUŽENI	TUŽBENI ZAHTEJ	VRIJEDNOST SPORA	FAZA POSTUPKA
1.	P - 161/ 17	Kanton Sarajevo	"Sarajevostan" d.d. Sarajevo	Utvrđivanje prava vlasništva	100.000,00 KM	Okončan - u cjelosti usvojen tužbeni zahtjev
2.	P - 74/20	Higijena d.o.o. Sarajevo	1.Kantona Sarajevo 2. Zavod za izgradnju KS	Naknada na ime faktičke eksploatacije nekretnina	400.000,00 KM	U toku odlučivanje po žalbi Pravobranila štva
3.	P - 130/ 17	Kanton Sarajevo	Famos d.d. Sarajevo	Utvrđivanje ništavosti upisa i utvrđivanje prava vlasništva	30.001,00 KM	Okončan - potpisana sudska nagodba kojom su predmetne nekretnine prenesene u vlasništvo Kantona

4.	P -	Šetkić Asim i drugi	KJKP "Tržnice pijace" d.o.o. Sarajevo - Umješač: Kanton Sarajevo, Ministarstvo prostornog uređenja KS	Utvrđenje upisa internih dionica tuženog	4.885.186,68 KM	U toku
5.	P - 417/15	Ahmić Omer i drugi	1.KJKP "Tržnice pijace" d.o.o. Sarajevo. 2.Grad Sarajevo. 3.Kanton Sarajevo	Utvrđenje suvlasništva privatnog kapitala Prvotuzenog	4.885.186,68 KM	U toku odlučivanje po žalbi tužitelja
6.	P - 152/18	Rašidović Enisa i drugi	1.KJKP "Tržnice pijace" d.o.o. Sarajevo, 2.Kanton Sarajevo	Utvrđenje upisa dionica u sudski registar	4.885.186,68 KM	Prekinut postupak do okončanja upravnog postupka - U toku odlučivanje po žalbi tužitelja
7.	P - 106/21	Kanton Sarajevo	GP "PUT" d.d. u stečaju	Utvrđivanje (prijenosa) prava vlasništva	1000,00 KM (po tužitelju)	U toku
8.	P - 85/20	Zavod za izgradnju Kantona Sarajevo, Umješač: Kanton Sarajevo	"Npl Project" d.o.o. Istočna Ilidža	Radi smetanja posjeda	65.000,00KM	Usvojen tužbeni zahtjev tužitelja kojim je utvrđeno smetanje posjeda. U toku postupak po žalbi tuženog
9.	P - 149/20	Krajišnik Bojana i drugi	KJKP "Vodovod i kanalizacija" d.o.o. Sarajevo, Umješač: Kanton Sarajevo	Isplata naknade po osnovu faktičke ekproprijacije	2.500.000,00 KM	U toku
10.	P - 7/21	Krajišnik Bojana i drugi	KJKP "Vodovod i kanalizacija"	Isplata naknade po osnovu	2.500.000,00 KM	Donesena presuda kojom se

			d.o.o. Sarajevo, Umješač: Kanton Sarajevo	faktičke ekproprijacije		usvaja tužbeni zahtjev. U toku postupak po žalbi tuženog i umješača
--	--	--	---	----------------------------	--	---

IZVRŠNI POSTUPAK

U 2021. godini u radu je evidentirano 4097 izvršnih predmeta, od kojih je u 2021. godini zaprimljeno 823, a prenesno je iz ranijih godina 3274 predmeta. Od ukupnog broja predmeta u 2021. godini okončano je 128, a u radu je ostalo 3969 predmeta, sve kao u slijedećem tabelarnom pregledu.

Vrsta Predmeta	Prenešeno iz ranijih godina	Primljeno u 2021.g.	Ukupno u radu 2021.g.	Riješeno u 2021.g.	U radu sud organ uprave	Postotak riješenosti
"I" (izvršni)	3.274	823	4.097	128	3.969	3,12%

U izvršnim postupcima Kanton Sarajevo se pojavljuje kao izvršenik ili kao tražilac izvršenja. U izvršnim postupcima u kojima se Kanton Sarajevo pojavljuje kao izvršenik, tražiocu izvršenja su tužitelji u predmetima u kojima je pravomoćnim presudama obavezan Kanton Sarajevo na isplatu određenog novčanog iznosa (u većini slučajeva radi se o predmetima iz radnih odnosa) i kojima se na osnovu pravomoćnih i izvršnih presuda predlaže prinudna naplata.

Pravobranilaštvo je u svim predmetima u kojima je donesena pravomoćna i izvršna presuda u korist Kantona Sarajevo i kojima su tuženi obavezani da Kantonu Sarajevo isplate određene novčane iznose, pokrenulo izvršne postupke radi prinudnog namirenja.

Ističemo da je Pravobranilaštvo Kantona Sarajevo, na osnovu Presude Općinskog suda u Sarajevu, pokrenulo izvršni postupak protiv društva "BAGS-ENERGOTEHNIKA" d.d. Vogošća, radi naplate duga u iznosu od 4.186.609,50 KM, sa zakonskom zateznom kamatom i troškovima postupka. Uz prethodno pribavljeni stav Ministarstva privrede o opravdanosti pokretanja izvršnog postupka obzirom na specifičnost dužnika/izvršenika, podnesen je prijedlog za izvršenje na transakcijskim računima izvršenika, jer smo cijenili da je namirenje potraživanja Kantona Sarajevo na taj način izglednije, nego da je isti prijedlog podnesen na nekretninama društva koje su opterećene hipotekama.

IZVRŠNI POSTUPAK ZA NAPLATU SUDSKE TAKSE

Ukupno u radu za 2021. godinu bilo je 3156 predmeta, iz ranijih godina je preneseno 1487, a zaprimljeno je 1669 novih predmeta. U 2021. godini podneseno je 409 prijedloga za izvršenje, a arhivirano 542 predmeta.


Vrsta Predmeta	Prenešeno iz ranijih godina	Primljeno u 2021.g.	Ukupno u radu 2021.g.	Riješeno u 2021.g.	U radu sud organ uprave	Postotak riješenosti
"It" (izvršni postupak za sudsku taksu)	1.487	1.669	3.156	542	1.049	17,17%

Prepreke na koje Pravobranilaštvo u ovim predmetima nailazi ogledaju se u tome da se u svakom predmetu radi identifikacija dužnika, da je potrebno izvršiti uvid u spis, zatim pribaviti klauzule pravomoćnosti i izvršnosti, te posebno pribaviti informacije o posjedovanju pokretne ili nepokretne imovine, podatke o plaći ili penziji dužnika.

Pojedine sudije Općinskog suda u Sarajevu, dostavljaju ovom Pravobranilaštvu izvršnu ispravu, koja nije u skladu sa članovima 23., 25. i 27. Zakona o izvršnom postupku, te zbog navedenog nismo u mogućnosti blagovremeno podnijeti prijedlog za izvršenje, tj. moramo bez potrebe slati dopis sudu, kako bi izdejsvovali pravnovaljanu izvršnu ispravu, jer ako prijedlog za izvršenje podnesemo sa izvršnom ispravom koja nije u skladu sa gore navedenim članovima, sud nam izvršni postupak obustavi.

Ovom prilikom želimo ukazati na činjenicu da bi ažurnije rješavanje ovih predmeta od strane suda dovelo do efikasnije naplate sudske takse. Trenutno je na sudu u radu 1.049 predmeta sudske takse. Iz naprijed navedenih razloga dolazi do otežane naplate sudske takse, što se odražava na Budžet Kantona Sarajevo.

Pored prekobrojnog priliva novih predmeta u 2021. godini i prisustva složenih predmeta koji zahtijevaju poseban pristup, vrijeme za proučavanje činjenične i pravne situacije je ograničeno, što otežava rad u konkretnim predmetima.




Iz navedene evidencije, vidljivo je da je vršena uplata predmetnih novčanih sredstava na račun Kantona Sarajevo, a vrijednost koja je uplaćena na ime sudske takse za 2021. godinu iznosi 285.548,86 KM.

NAPLATA TROŠKOVA PARNIČNOG I IZVRŠNOG POSTUPKA KAO JAKO VAŽNA KARIKA U RADU PRAVOBRANIŠTVA U 2020.GODINI

Prethodnim izvještajima ukazali smo na prednost izmjena i dopuna Zakona o parničnom postupku, u dijelu koji se odnosi na troškove koji pripadaju stranci koju zastupa Pravobranilaštvo, i to u pogledu naknade troškova postupka kada je u pitanju zastupanje stranaka od strane Pravobranilaštva. Za radnje preduzete pred sudom nakon 01.01.2016. godine Pravobranilaštvo Kantona Sarajevo ima pravo i obavezu da potražuje troškove zastupanja u skladu sa važećom Tarifom o nagradama i naknadi troškova za rad advokata u Federaciji BiH. Radi lakše i preglednije evidencije naplaćenih sudskih troškova obratili smo se Ministarstvu finansija Kantona Sarajevo, kako bi se u cilju prednje navednog otvorila nova vrsta prihoda kao i budžetska organizacija namijenjena isključivo za naprijed navedenu svrhu. S tim u vezi, Ministarstvo finansija je dana 28.08.2017.godine dostavilo akt sa jasnim instrukcijama vezanim za uplatu sudskih troškova. Važno je istaći da prema dostavljenim evidencijama Ministarstva finansija naplaćeni sudski troškovi za 2021.godinu iznose 24.878,80 KM.

Ostvarujući ovako zapažene finasijske rezultate smatramo da posebna stavka „troškovi“ zavređuje pažnju, te je zbog navedenog razloga detaljno izvještajem o radu i opisujemo. Iznos na ime naknade troškova za jednu godinu u visini od 24.878,80 KM, pored sudskih taksi, nije zanemariv kada se uzme u obzir nadležnost i funkcija Pravobranilaštva.

Sljedećim grafikonom prikazani su naplaćeni sudski troškovi.



PРАВНА МИШЛЈЕНЈА

Shodno članu 15. Stav 2. Zakona o pravobranilaštvu, organi i organizacije Kantona Sarajevo, čije interese zastupa ovo Pravobranilaštvo, dužni su pribaviti pravno mišljenje Pravobranilaštva, prije zaključenja ugovora o kupoprodaji, zamjeni, zakupu, prenosu na privremeno ili trajno korištenje i raspolaganje stvari uz naknadu ili bez naknade, ugovora o koncesiji, ugovora o građenju, kao i drugih ugovora kojima se pribavljaju stvari ili se raspolaže imovinom Kantona. Pravobranilaštvo u skladu sa Uredbom o postupku i načinu pripremanja, izrade i dostavljanja propisa daje mišljenja na nacрте zakona kojima se regulišu imovinsko – pravna pitanja.

U 2021. godini Pravobranilaštvo je dalo značajan broj pravnih mišljenja što je vidljivo iz tabelarnog prikaza, ali svakako napominjemo da se radi o poslovima koji iziskuju jako puno vremena i stručnosti i čija važnost nije manja od naprijed navedenih predmeta. Pravobranilaštvo cijeni da adekvatno i stručno dato prethodno mišljenje na dostavljeni prijedlog ugovora imovinsko-pravne prirode u značajnoj mjeri doprinosi zaštiti imovine i imovinsko-pravnih interesa Kantona Sarajevo.

Značajnim za istaći u radu ovoga referata za izvještajni period jeste aktivno učešće ovog Pravobranilaštva na implementaciji projekta Devete transverzale koje se ogleda kako kroz postupanje u davanju mišljenja na nacрте Ugovora, tako i kroz pružanje stručne pravne pomoći.

U izvještajnom periodu, kao i u prethodnim godinama, bio je značajan broj predmeta u radu Pravobranilaštva, koji se odnose na davanje mišljenja na Sporazume koji zaključuju Kantona Sarajevo i njegovi organa sa drugim nivoima vlasti, te domaćim I međunarodnim pravnim licima, a u cilju realizacije projekata značajnih za Kanton Sarajevo kao I njegove građane.

Tabelarni prikaz prikazuje broj obrađenih predmeta u sklopu predmetnog referata, te postotak riješenosti.

Vrsta Predmeta	Prenešeno iz ranijih godina	Primljeno u 2021.g.	Ukupno u radu u 2021.g.	Riješeno u 2021.g.	U radu sud organ uprave	Postotak riješenosti
"M" (mišljenja)	58	223	281	203	78	72,24%

VANSUDSKE NAGODBE

U izvještajnom period Pravobranilaštvo je poduzimalo značajne aktivnosti u postupcima zaključenja ugovora o vansudskoj nagodbi sa zaposlenicima organa i institucija Kantona Sarajevo kojima su pravomoćnim i izvršnim sudskim odlukama dosuđena neisplaćena potraživanja iz radnog odnosa.

U postupku izvršenja planiranih budžetskih sredstava kroz zaključenje vansudskih nagodbi sa zaposlenicima organa i institucija Kantona Sarajevo kojima su pravomoćnom i izvršnom sudskom odlukom dosuđena potraživanja iz radnog odnosa Pravobranilaštvo Kantona Sarajevo je preduzelo niz pripremnih radnji (prisustva sastancima sa predstavnicima Ministarstva finansija, Ministarstva pravde i uprave Kantona Sarajevo i Službe za zajedničke poslove Kantona Sarajevo, izrade nacrtu Ugovora o vansudskoj nagodbi, izrade nacrtu ugovora o vansudskoj nagodbi itd.) i daljih aktivnosti koji su rezultirali zaključenjem Ugovora o vansudskoj nagodbi u velikom broju i značajnom uštedom budžetskih sredstava.

Vlada Kantona Sarajevo je u novembru 2021. godine objavila poziv zaposlenicima organa i institucija Kantona Sarajevo/njihovim punomoćnicima advokatima za zaključenje Ugovora o vansudskoj nagodbi.

Po gore navedenom pozivu javio se neočekivano veliki broj zainteresiranih lica kako na zaključenje Ugovora o vansudskoj nagodbi te je sveukupno zaprimljeno 2057 Ugovora o vansudskoj nagodbi.

Prema objavljenom pozivu stranke odnosno njihovi punomoćnici-advokati su bili dužni dostaviti ponudu odnosno popunjen Ugovor o vansudskoj nagodbi koji je objavljen na službenoj stranici Vlade Kantona Sarajevo sa priložima (kopije pravomoćnih i izvršnih sudskih odluka, punomoć za zastupanje). Dostavljeni ugovori o vansudskoj nagodbi na postupanje ovom organu morali su biti evidentirani hronološkim redom prema broju protokola kako su isti zaprimljeni na protokol službi Kantona Sarajevo.

Obrada ugovora o vansudskoj nagodbi od strane ovog Pravobranilaštva podrazumjevala je najprije njihovu evidenciju, zatim provjeru o ispunjavanju formalnih i materijalnih uvjeta određenih u pozivu Vlade, te konačno davanje pravnog mišljenja na zaključenje svakog dostavljenog Ugovora o vansudskoj nagodbi pojedinačno. U velikom broju slučajeva prijave nisu bile formalno ispravne jer su nedostajali pojedini elementi nakon čega je Pravobranilaštvo u takvoj situaciji obavezno pozivalo podnosioca da upotpuni podnesenu prijavu.

Iako uvjetovani radom prema evidentiranom redosljedu prijema zahtjeva za zaključenje vansudske nagodbe Pravobranilaštvo je radi korekcije ili dopune neurednih Ugovora o vansudskoj nagodbi kontaktiralo punomoćnika/advokata stranke ili stranku koja nema punomoćnika, što je u značajnoj mjeri podrazumijevalo mnogo veće napore i usporavalo proces obrade predmeta iz naprijed navedenog razloga jer su isti morali biti obrađeni hronološkim redom po prijemu odnosno po broju protokola, a sve u cilju kako bi se dostavljeni ugovori korigovali ili dopunili te koji bi kao takvi mogli biti prihvaćeni i konačno realizirani.

Od ukupno zaprimljenih 2057 Ugovora, Pravobranilaštvo je u izvještajnom periodu uložilo dodatne napore i dalo 587 mišljenja kako bi se realizovao plan isplate prvog dijela obezbijedenih sredstava u iznosu od cca. 8.000.000,00 KM. U vezi s prednje navedenim, a imajući u vidu kratak rok za postupanje, Pravobranilaštvo je u više navrata organizovalo i subotom kao i rad prekovremeno, a sve u cilju realizacije projekta.

U cilju zaštite imovinskih interesa Kantona Sarajevo Pravobranilaštvo smatra da je dugoročno gledajući ekonomski opravdano da se što veći novčani iznos obezbijedi za

isplatu ugovora o vansudskoj nagodbi, jer će se time izvršiti ušteda sredstava u značajnom iznosu obzirom da se povjerioci dobrovoljno odriču dosuđenih zakonskih zatezних kamata, a koje će u redovnom sudskom izvršnom postupku u narednom periodu i naplatiti ukoliko svoja potraživanja ne naplate putem dostavljenih ugovora o vansudskoj nagodbi.

Stoga konačno zaključujemo da treba pozdraviti dobru volju uposlenika koji su izrazili spremnost da se odreknu jednog dijela dosuđenih potraživanja (zakonskih zatezних kamata) te predlažemo Vladi Kantona Sarajevo i Skupštini Kantona Sarajevo da razmotre mogućnost planiranja sredstava za prednje navedenu namjenu i u narednom periodu.

Vrsta Predmeta	Primljeno u 2021.g.	Riješeno u 2021.g.	Vrijednost primljenih predmeta	Vrijednost riješenih predmeta	Postotak riješenosti
"VSN" (mišljenja za vansudske nagodbe)	2057	587	cca. 19.000.000,00 KM	cca. 8.000.000,00 KM	28,53%

STAMBENI UGOVORI

Kada je u pitanju segment djelovanja u vezi realizacije imovinskih zakona, ovaj organ je dao izuzetan doprinos u privatizaciji stambenog fonda, odnosno u realizaciji Zakona o prodaji stanova na kojima postoji stanarsko pravo tj. kroz postupanje u vezi ovlaštenja Pravobranilaštva koja su proizilazila iz člana 29. citiranog Zakona, a odnose se na kontrolu utvrđenja cijene stana u ugovoru.

Naprijed smo iskazali tabelarno broj iskontrolisanih ugovora o otkupu stanova, u skladu sa Zakonom o prodaji stanova na kojima postoji stanarsko pravo ("Sl. novine F BiH", broj 29/97, sa izmjenama), te u skladu sa Zakonom o vraćanju, dodjeli i prodaji stanova ("Sl. novine F BiH", broj 25/05 i 2/08).

Vrsta Predmeta	Prenešeno iz ranijih godina	Primljeno u 2020.g	Ukupno u radu u 2020.g	Riješeno u 2020.g	U radu sud organ uprave	Postotak riješenosti
"Su" (stambeni)	0	9	9	9	0	100,00%

PREDMETI PRIPREME PRED PARNICU

Riječ je o predmetima u kojima zahtjeve za postupanje dobijamo od organa koje zastupamo u postupcima, shodno odredbama Zakona o pravobranilaštvu. Naime, u vezi sa svim vrstama pravnih pitanja, nedoumica u vezi sa pokretanjem parničnih postupaka, kao i u ostalim pravnim pitanjima o kojima se organi uprave obraćaju upitom, Pravobranilaštvo otvara predmete pripreme pred parnicu. U tim predmetima prikupljamo potrebne informacije i dokaze, te na temelju istih procijenjujemo i odlučujemo o neophodnim koracima, odnosno da li ćemo u konkretnom slučaju pokrenuti neki od postupaka pred sudom.

Vrsta Predmeta	Prenešeno iz ranijih godina	Primljeno u 2021.g.	Ukupno u radu u 2021.g.	Riješeno u 2021.g.	U radu sud organ uprave	Postotak riješenosti
----------------	-----------------------------	---------------------	-------------------------	--------------------	-------------------------	----------------------

"Pr" (priprema)	77	69	146	37	109	25,34%
-----------------	----	----	-----	----	-----	--------

IZVJEŠTAJ O JAVNIM NABAVKAMA

za period od 01.01.2021. - 31.12.2021. godine

Pravobranilaštvo Kantona Sarajevo u 2021. godini provodilo je javne nabavke u skladu sa zakonom o javnim nabavkama. Tom prilikom ugovoreni organ provodio je postupke Direktnog sporazuma u skladu sa članom 87. i 90. Zakona o javnim nabavkama i Pravilnikom o postupku direktnog sporazuma Pravobranilaštva Kantona Sarajevo vodeći računa o sredstvima koja su mu dodijeljena u Budžetu.

Član 87. Zakona o javnim nabavkama definiše da je direktni sporazum jedan od tzv. postupaka za dodjelu ugovora male vrijednosti.

Ugovorni organ provodi postupak direktnog sporazuma za nabavku robe, usluga ili radova čija je procijenjena vrijednost jednaka ili manja od iznosa od 6.000 KM bez poreza na dodanu vrijednost.

Pravilnikom o postupku direktnog sporazuma je propisana procedura za provođenje postupka nabavke putem direktnog sporazuma i definisano da se direktni sporazum smatra zaključenim:

- kod nabavki čija je vrijednost do 1.000 KM prilaganjem računa ili druge odgovarajuće dokumentacije;
- kod nabavki čija je vrijednost veća od 1.000 KM ugovorni organ je dužan zaključiti ugovor.

Direktni sporazum je članom 90. Zakona o javnim nabavkama definisan kao postupak u kojem ugovorni organ nakon ispitivanja tržišta traži pismeno prijedlog cijene ili ponudu od jednog ili više ponuđača i pregovara ili prihvata tu cijenu, kao uslov za konačan sporazum.

Izveštajem su obuhvaćene aktivnosti prema predmetu nabavke, vrsti postupka, vrijednosti ugovora, izbor dobavljača za dodjelu ugovora (ekonomski najpovoljnija ponuda).

U sljedećoj tabeli detaljno su prikazane sve javne nabavke koje je u izvještajnom periodu provelo ovo Pravobranilaštvo.

IZVJEŠTAJ O REALIZACIJI JAVNIH NABAVKI							
R.br	Opis nabavke	Oznaka JRJN	Vrsta postupka	Podaci o dobavljaču	Vrijednost ugovora bez PDV-a	Datuma zaključenja ugovora	Broj obavještenja
1	Usluge štampanja	798000 00-2	D	AM SUPPORT doo	999,00	25.05.2021.	16798-8-2-35/21
2	Nabavka monitora	331951 00-4	D	AM SUPPORT doo	432,74	12.07.2021.	16798-8-1-45/21
3	Nabavka klima uređaja	425120 00-8	D	AM SUPPORT doo	680,00	12.07.2021.	16798-8-1-46/21
4	Nabavka stolni računar	302133 00-8	D	AM SUPPORT doo	927,35	12.07.2021.	16798-8-1-47/21
5	Nabavka ormarića za prvu pomoć	391413 00-5	D	PRIM INVEST doo	165,00	13.09.2021.	16798-8-1-71/21
6	Nabavka vješalica za kapute	391360 00-4	D	PRIMINVEST doo	285,00	13.09.2021.	16798-8-1-72/21
7	Osiguranje od autoogovornosti	665121 00-3	D	SARAJEVO OSIGURANJE dd	482,00	16.08.2021.	16798-8-2-67/21
8	Registracija vozila	716341 200-2	D	SARAJEVO OSIGURANJE dd	76,30	18.08.2021.	16798-8-2-77/21
9	Tehnički pregled vozila	716312 00-2	D	SARAJEVO OSIGURANJE dd	139,10	22.08.2021.	16798-8-2-80/21
10	Nabavka klima uređaja	425120 00-8	D	AM SUPPORT doo	850,00	31.08.2021.	16798-8-1-80/21
11	Usluge štampanja	798100 00-5	D	AM SUPPORT doo	204,00	31.08.2021.	16798-8-2-82/21
12	Usluge štampanja	224580 00-5	D	AM SUPPORT doo	2660,00	16.09.2021.	16798-1-85/21
13	Usluge	228000	D	CPU	600,00	18.10.2021.	16798-8-1-99/21

	štampanja obrazaca A5	00-8		PRINTING doo			
14	Nabavka papira i usluge štampe	301976 43-5	D	CPU PRINTING doo	400,00	18.10.2021.	16798-8-1-100/21
15	Nabavka grijalica	397152 40-1	D	PRIMINVEST doo	420,000	03.11.2021.	16798-1-101/21
16	Nabavka Upisnika	221100 00-4	D	Grafički studio EUROTREND	880,34	16.11.2021.	16798-8-1-102/21
17	Nabavka otirača	395330 00-7	D	PRIMINVEST doo	125,00	15.11.2021.	16798-8-1-103/21
18	Nabavka konvektora	397152 40-1	D	PRIMINVEST doo	420,00	15.11.2021.	16798-8-1-104/21
19	Usluge krečenja	983140 00-7	D	OKI UPRAVITELJ d.o.o.	91.32	15.11.2021.	16798-8-1-108/21
20	Nabavka kancelarijskih ormara	391221 00-4	D	Gradiz doo	985,13	27.12.2021.	16798-8-1-120/21
21	Nabavka omota za spise	224580 00-5	D	Grafički studio EUROTREND	803,42	06.12.2021.	16798-8-1-121/21
Ukupno:					12.625,70KM		

SISTEMATIZACIJA RADNIH MJESTA

Unutrašnja organizacija Pravobranilaštva Kantona Sarajevo uređena je Pravilnikom o unutrašnjoj organizaciji Pravobranilaštva Kantona Sarajevo broj: 53/17 od 16.06.2017. godine.

Poslovi iz djelokruga Pravobranilaštva Kantona Sarajevo vrše se u okviru sljedećih organizacionih jedinica:

1. Odjeljenje nosilaca pravobranilačke funkcije;
2. Odjeljenje za upravu, normativno administrativne, opšte, tehničke i pomoćne poslove.

1. Odjeljenje nosilaca pravobranilačke funkcije

Odjeljenje nosilaca pravobranilačke funkcije vrši poslove na osnovu Ustava BiH, Ustava FBiH, Ustava Kantona Sarajevo, zakona i drugih propisa i općih akata donijetih u skladu sa odgovarajućom zakonodavnom regulativom, u skladu sa nadležnostima iz Zakona o

pravobranilaštvu (poslovi zaštite imovine i imovinskih interesa Kantona i njegovih organa, kantonalnih organa uprave, kantonalnih upravnih organizacija i stručnih službi i drugih institucija čiji je osnivač Kanton), te također vrši i druge poslove na osnovu Zakona o pravobranilaštvu.


2. Odjeljenje za upravu, normativno administrativne, opšte, tehničke i pomoćne poslove

Odjeljenje za upravu normativno administrativne, opće, tehničke i pomoćne poslove, organizuje i izvršava poslove u cilju što potpunijeg i efikasnijeg izvršavanja osnovne djelatnosti Pravobranilaštva Kantona Sarajevo, te izvršavanje ostalih prava i obaveza Pravobranilaštva Kantona Sarajevo utvrđenim odgovarajućim zakonskim propisima (izrada normativnih akata, izrada budžeta, poslovi iz radnog odnosa uposlenih) godišnji odmori, plaćeno odsustvo, poslovi pisarnice (prijem i otprema pošte) vodi upisnike, ažurira spise, arhiva predmeta, poslovi AOP (automatska obrada podataka), obrada i priprema predmeta, obračun i kontrola ugovora, finansijsko računovodstveno poslovanje, rad sa strankama i drugih poslova po naređenju Pravobranioca koji doprinose efikasnijem radu Pravobranilaštva Kantona Sarajevo.

U skladu sa Pravilnikom o unutrašnjoj organizaciji Pravobranilaštva Kantona Sarajevo broj: 53/17 od 16.06.2017. godine., u Pravobranilaštvu Kantona Sarajevo sistematizovana su 23 radna mjesta, kao u slijedećem tabelarnom prikazu.

Sistematizovana radna mjesta	Broj mjesta
Pravobranilac	1
Zamjenici pravobranioca	7
Sekretar Pravobranilaštva	1
Šef unutrašnje organizacione jedinice	1
Stručni savjetnik	2
Stručni saradnik	1
Stručni saradnik za ekonomske poslove	1
Viši referent – tehnički sekretar	1
Viši referent za računovodstvene i druge poslove	1
Viši referent za parnične i izvršne poslove	2
Viši referent za poslove pisarne	1
Referent za dokumentaciju - arhivar	1
Viši referent - daktilograf	1
Pomoćni radnik	1
VKV - Vozač	1
Ukupan broj sistematizovanih radnih mjesta	23

Pravilnikom o unutrašnjoj organizaciji Pravobranilaštva Kantona Sarajevo, predviđeno je, dakle, jedno mjesto pravobranioca, sedam mjesta zamjenika pravobranioca, šest državnih službenika i devet namještenika.



Od ukupno 23 sistematizovana radna mjesta Pravobranilaštvo ima popunjeno 19, dok je 4 radnih mjesta upražnjeno.

Upraznjeno mjesto	Broj
Zamjenik pravobranioca	1
Stručni savjetnik / državni službenik	1
Viši referent za parnične i izvršne poslove / namještenik	1
VKV – Vozač / namještenik	1

Zbog složenosti i obima poslova koje poduzima ovaj organ u svom radu, u cilju zaštite imovine i imovinskih interesa Kantona Sarajevo, našli smo se u situaciji u kojoj imamo opravdanu potrebu za potpunom određenih upražnjenih radnih mjesta.

U izvještajnom periodu je realizovano popunjavanje upražnjenog radnog mjesta stručnog saradnika, čiji postupak je započet u 2020.godini.

U prethodnom izvještajnom periodu jedan zamjenik je ostvario penzijsko pravo, pa je evidentna potreba za popunjavanjem predmetnog radnog mjesta, naročito imajući u vidu obim i složenost posla kojeg obavlja ovaj organ u cilju zaštite imovine i imovinskih interesa Kantona Sarajevo. S tim u vezi Pravobranilaštvo se obratilo resornom Ministarstvu, s ciljem popunjavanja upražnjenog radnog mjesta zamjenika pravobranioca, a koje je predviđeno u Pravilniku o unutrašnjoj organizaciji Pravobranilaštva Kantona Sarajevo broj: 53/17 od 16.06.2017. godine. Također napominjemo da je jedna od zamjenica iskoristila parvo na porodijsko odsustvo, što je dodatno otežalo rad Pravobranilaštva.

Naprijed navedeno popunjavanje radnog mjesta je potrebno iz razloga velikog broja parničnih postupaka koji su u toku i koji zahtijevaju najveći stepen stručnosti, pažnje i pripreme, to aktivnosti na ovim predmetima i pored zastupanja na ročištima podrazumjevaju sastave tužbi i odgovora na tužbu, ulaganje žalbi i odgovora na žalbu na presude i rješenja, sastav vanrednih pravnih lijekova i apelacija Ustavnom sudu BiH,

sastav prijedloga za izvršenje i prigovora protiv rješenja o izvršenju i drugih pisanih podnesaka u toku postupka.

Sve ove aktivnosti zbog obima i složenosti poslova maksimalno iscrpljuju nosioce pravobranilačke funkcije posebno imajući u vidu da su poslovi zastupanja pred sudovima vezani prekluzivnim rokovima jer prekoračenje istih dovodi do ozbiljne i štetne posljedice po imovinu i imovinske interese Kantona Sarajevo.

OCJENA STANJA I POSTIGNUTI REZULTATI

Analizom ukupnog stanja i uzimajući u obzir aktivnosti ovog Pravobranilaštva na poslovima zaštite imovine i imovinskih interesa Kantona Sarajevo, iz ovog Izvještaja može se utvrditi, da je Pravobranilaštvo Kantona Sarajevo u 2021. godini, kako zastupanjem pred sudovima i drugim organima, tako i kroz davanje prethodnog pravnog mišljenja i obavljanja drugih poslova iz okvira nadležnosti, te pružajući pravnu pomoć, pa i dalje usljed očitog nesrazmjera u broju predmeta naspram broja nosilaca pravobranilačke funkcije (v.d. Pravobranilac i 5 zamjenika pravobranioca) i obavljanja svojih zadataka u veoma teškim uslovima, kvalitetno i sa velikim uspjehom obnašalo svoju funkciju, ostvarujući zapažene rezultate.

Smatramo da je ovo Pravobranilaštvo u izvještajnom periodu, kao i prethodnih godina, krajnje profesionalno i uspješno obavljalo poslove zaštite imovine i imovinskih interesa Kantona Sarajevo i pored velikog broja pritisaka koji su usmjereni na rad ovog Pravobranilaštva, a imajući u vidu i činjenicu da u punom kapacitetu zastupa i štiti imovinu i imovinske interese općine Ilijaš.

Pored prekobrojnog priliva novih i prisustva veoma složenih predmeta koji zahtijevaju poseban pristup, vrijeme za proučavanja činjenične i pravne situacije, izuzetno širokog dijapazona djelovanja ovog organa i kontinuiranog proširivanja nadležnosti Pravobranilaštva drugim propisima, svi poslovi su se u izvještajnom periodu obavljali ažurno i blagovremeno, stoga smatramo da je ovaj organ opravdavao svoju funkciju.

SARADNJA PRAVOBRANILAŠTVA SA ORGANIMA KOJE ZASTUPA

U 2021. godini evidentno je da je saradnja Pravobranilaštva Kantona Sarajevo sa velikim brojem organa Kantona Sarajevo znatno poboljšana.

Ovdje smatramo bitnim naglasiti da se saradnja ne odnosi samo u postupcima zastupanja, dakle saradnja nije fokusirana samo na određene predmete u kojim se Pravobranilaštvo Kantona pojavljuje kao zakonski zastupnik Kantona Sarajevo ili njegovih organa. Saradnja se jednako tako ogleda i u održavanju velikog broja sastanaka na kojima prisustvuju predstavnici Pravobranilaštva radi davanja potrebnih pravnih savjeta, smjernica i uputa, a sve radi donošenja pravilnih zaključaka i odluka koji će biti u najboljem interesu Kantona Sarajevo.

Shodno članu 3. Zakona o pravobranilaštvu ("Sl. novine Kantona Sarajevo", br. 33/2008 - prečišćen tekst, 7/2012, 44/2016 i 45/2021) državni organi, preduzeća (društva) i druga pravna lica dužni su Pravobranilaštvu dostavljati podatke i obavještenja o ugrožavanju, narušavanju ili osporavanju prava i stvari u vlasništvu Kantona radi preduzimanja pravnih radnji i sredstava za koje je Pravobranilaštvo ovlašteno, te na zahtjev Pravobranilaštva, dostaviti podatke, obavještenja i spise koji su mu potrebni za preduzimanje radnji za koje je ovlašteno, o čemu navedene institucije trebaju naročito voditi računa, kako bi se izbjegle situacije u kojima bi Pravobranilaštvo, ne svojom krivicom, bilo dovedeno u situaciju da eventualno ne zastupa neki od organa na adekvatan način.

Ovaj organ će u cilju zaštite imovine i imovinskih interesa Kantona Sarajevo, a naročito u sudskim postupcima, održavati dobru poslovnu saradnju sa organima Kantona Sarajevo, te težiti uspostavi još kvalitetnije saradnje, a sve u cilju stručnije zaštite imovine i imovinskih interesa Kantona. Ovo naročito kada se imaju u vidu odredbe Zakona o parničnom postupku F BiH i poštivanje zakonskih rokova, koji su prekluzivni, po kojem se na pripremnom ročištu moraju istaći sve činjenice i dostaviti svi dokazi, tako da je organ koga zastupa Pravobranilaštvo, obavezan dostaviti Pravobranilaštvu izjašnjenje na činjenične navode tužbe, kao i sve dokaze koje posjeduje.

Kao svoju prednost u budućnosti ovaj organ vidi upravo u blagovremenoj, kontinuiranoj, efikasnijoj poslovnoj saradnji, a sve u zajedničkom interesu, a to je ishodovanje pozitivnih rezultata kao i zaštita imovine i imovinskih interesa Kantona Sarajevo.

PROGRAMSKA ORJENTACIJA ZA NAREDNI PERIOD

U ostvarivanju principa ustavnosti i zakonitosti i ostvarivanju funkcija i zadataka koji proizilaze iz Zakona o pravobranilaštvu, aktivnosti Pravobranilaštva će i u narednom periodu biti usmjerene na:

- poduzimanju mjera i aktivnosti radi pravne zaštite imovine i imovinskih interesa Kantona Sarajevo;
- u saradnji sa drugim organima (tužilaštvo, sud i dr.) osigurati najveći stepen pravne zaštite imovine i imovinskih interesa Kantona Sarajevo;
- afirmisniju svih vidova preventivne djelatnosti, kao što su sporazumno rješavanje spornih odnosa;
- kontinuirano praćenje pojava i problema u vezi primjene zakona u praksi, te inicirati putem nadležnih institucija izmjene istih;
- osigurati saradnju sa federalnim organima i drugim organima, sa pravobranilaštvima na svim nivoima radi ujednačavanja prakse i zauzimanja stavova po istim ili sličnim pravnim pitanjima;
- intenzivirati svoje aktivnosti na ukazivanju Skupštini i Vladi Kantona Sarajevo na uočene pojave i probleme koji ugrožavaju i narušavaju imovinu Kantona Sarajevo, a do kojih saznanja bude dolazilo kroz rad na predmetima, kao i kroz podatke i

- obavještenja koja dostavljaju državni organi, preduzeća i druga pravna lica, te davati prijedloge za sprječavanje istih;
- inicirati aktivnosti na ažuriranju evidencije o imovini Kantona Sarajevo u saradnji sa svim organima kojima je povjereno korištenje imovine Kantona Sarajevo;
 - pokretati postupke radi upisa stvarnih prava u korist Kantona Sarajevo i pristupiti knjiženju nekretnina u zemljišnu knjigu;
 - stalnoj edukaciji nosilaca pravobranilačke funkcije i drugih uposlenika putem savjetovanja, seminara, te kroz kontinuirano praćenje sudske prakse i nove zakonske regulative.





Broj: 03-02-04-25883-1/22
Sarajevo, 8.7.2022. godine

KANTON SARAJEVO
VLADA KANTONA SARAJEVO

PREDMET: Mišljenje na Izvještaj o radu Pravobranilaštva
Kantona Sarajevo za 2021. godinu;

Na osnovu odredbi člana 37. stav 2. Zakona o pravobranilaštvu ("Službene novine Kantona Sarajevo", br. 33/08 – Novi prečišćeni tekst, 7/12 i 44/16) Ministarstvo pravde i uprave Kantona Sarajevo dostavlja Vladi i Skupštini Kantona Sarajevo mišljenje s prijedlogom zaključaka o podnesenom godišnjem izvještaju o radu Pravobranilaštva Kantona Sarajevo, kao i o uočenim pojavama i problemima u primjeni zakona i drugih propisa od značaja za ostvarivanje funkcije Pravobranilaštva.

Prema odredbama Zakona o pravobranilaštvu, Pravobranilaštvo Kantona Sarajevo je državno tijelo koje preduzima mjere i pravna sredstva radi pravne zaštite imovine i imovinskih interesa Kantona Sarajevo i njegovih organa, kantonalnih organa uprave, kantonalnih upravnih organizacija, stručnih službi i drugih institucija čiji je osnivač Kanton Sarajevo, kao i preduzima mjere i pravna sredstva radi pravne zaštite imovine i imovinskih interesa Općine Ilijaš. Pravobranilaštvo Kantona Sarajevo svoju funkciju vrši u skladu s Ustavom, zakonom, drugim propisima i općim aktima. Pravobranilaštvo pruža stručnu pomoć u rješavanju imovinsko-pravnih pitanja kantonalnim organima uprave, kantonalnim upravnim organizacijama, stručnim službama i drugim institucijama čiji je osnivač Kanton, daje mišljenja pri zaključivanju ugovora imovinsko-pravne prirode, kao i mišljenja u postupku donošenja općih akata kojima se uređuju imovinsko-pravni odnosi, prava i obaveze prema stvarima u vlasništvu Kantona. Poslove zastupanja navedenih organa i pravnih lica Pravobranilaštvo vrši u svim sudskim postupcima i u upravnom postupku, te zastupa Kanton i u poslovima pravne zaštite imovine i imovinskih interesa pred stranim sudovima, arbitražama i drugim stranim državnim organima i organizacijama.

U Izvještaju o radu Pravobranilaštva za 2021. godinu iznesen je pregled aktivnosti iz nadležnosti i djelokruga rada ovog tijela u izvještajnom periodu uz brožčani i tabelarni prikaz statusa riješenih predmeta i predmeta u postupku, kao i poseban osvrt na određene značajnije predmete parničnog postupka kao najsloženijeg sudskog postupka. Dalje, Izvještaj prezentira predmete u izvršnom postupku, davanju pravnih mišljenja, stambenim ugovorima, kao i predmete pripreme pred parnicu te izvještaj o javnim nabavkama. Završni dio izvještaja sadrži pregled sistematizacije radnih mjesta i popunjenosti istih, kao i ocjenu stanja i postignute rezultate i programsku orijentaciju za naredni period.



Prema iznesenim brojeanim podacima, u izvještajnom periodu u Pravobranilaštvu Kantona Sarajevo evidentirano je ukupno 12.475 predmeta u radu, što je znatno veći broj u odnosu na prethodnu godinu kada ih je evidentirano 9.026. Tabelarni prikaz sadrži podatke o vrsti i broju evidentiranih predmeta prenesenih iz ranijih godina, predmeta primljenih u 2021. godini, predmeta koji su u radu, kao i riješenih predmeta. Iz navedenog prikaza vidljivo je da je, od ukupno 12.475 predmeta, iz prethodnih godina preneseno 7.050 predmeta, da je u 2021. godini primljeno 5.425 novih predmeta, a da je u 2021. godini riješeno 2.375 predmeta, što je značajno veći broj riješenih predmeta u odnosu na prethodni izvještajni period.

Također, za razliku od prethodnog izvještajnog perioda, kada se najveći broj predmeta u radu Pravobranilaštva Kantona Sarajevo odnosio na parnični postupak, iz ovog izvještaja vidljivo je da se u 2021. godini najviše predmeta u radu odnosilo na izvršni postupak, ukupno 4.097, od kojih je 3.274 predmeta preneseno iz prethodnih godina, dok je u 2021. godini primljeno 823 predmeta. Ovaj broj predstavlja značajno povećanje broja izvršnih predmeta u odnosu na prethodni izvještajni period.

Po broju predmeta, iza izvršnih, slijede parnični predmeti, ukupno 2190, od kojih je 2075 predmeta kao nezavršenih preneseno iz prethodnih godina, a u 2021. godini je evidentirano 115 novih predmeta. Pravobranilaštvo smatra da je glavni razlog za ovakav nesrazmjer između broja nezavršenih predmeta prenesenih iz prethodnih godina, u odnosu na novozaprimljene predmete, dugotrajno vođenje postupaka pred sudovima.

Dalje, u svom izvještaju Pravobranilaštvo Kantona Sarajevo ističe značajnije parnice u 2021. godini iz oblasti radno-pravnih sporova, obligaciono-pravnih sporova – naknada štete, potraživanja isplate duga na ime koncesione naknade za eksploataciju te iz oblasti imovinsko-pravnih odnosa.

Shodno članu 15. stav 2. Zakona o pravobranilaštvu, u izvještajnom periodu Pravobranilaštvo je dalo i značajan broj pravnih mišljenja organima i organizacijama Kantona Sarajevo čije interese zastupa Pravobranilaštvo prije zaključenja ugovora kojima se na različite načine raspolaže imovinom Kantona Sarajevo.

Kao značajnu aktivnost u izvještajnom periodu Pravobranilaštvo ističe pripremne radnje i davanje pravnih mišljenja u postupku zaključenja vansudskih nagodbi sa zaposlenicima organa i institucija Kantona Sarajevo kojima su pravomoćnim i izvršnim sudskim odlukama dosuđena potraživanja iz radnog odnosa. Broj primljenih predmeta u postupku zaključenja vansudskih nagodbi u 2021. godini je 2057, a vrijednost riješenih predmeta iznosi cca. 8.000.000,00 KM. Pravobranilaštvo smatra važnim napomenuti kako je osiguranje sredstava u budžetu Kantona Sarajevo za ove namjene od izuzetne važnosti jer će se na taj način ostvariti ušteda sredstava u značajnom iznosu, a u cilju zaštite imovinskih interesa Kantona Sarajevo.

U završnom dijelu izvještaja prezentirani su podaci o sistematizaciji radnih mjesta i popunjenosti kapaciteta nosilaca pravobranilačke funkcije i drugih uposleničkih mjesta neophodnih za nesmetano funkcioniranje ovog tijela. Naglašeno je da je pozicija pravobranioca od 13.12.2021. godine nepopunjena te da funkciju pravobranioca obavlja jedan od zamjenika pravobranioca kao vršilac dužnosti pravobranioca. Također, jedan od zamjenika pravobranioca ostvario je pravo na penziju dok je druga nositeljica pravobranilačke funkcije na porodiljskom odsustvu. Zbog velikog broja



parničnih predmeta koji zahtijevaju najveći stepen stručnosti, pažnje i pripreme, Pravobranilaštvo smatra neophodnim popunjavanje upražnjenog radnog mjesta zamjenika pravobranioaca.

Također, dat je pregled programskih ciljeva usmjerenih na osiguravanje najvećeg stepena zaštite imovinskih interesa Kantona Sarajevo kroz saradnju s nadležnim organima, kontinuirano praćenje pojava i problema primjene zakona u praksi, preventivnog djelovanja u vidu sporazumnog rješavanja spornih odnosa, stalne edukacije nosilaca pravobranilačke funkcije i drugih uposlenika putem savjetovanja, seminara te kroz kontinuirano praćenje sudske prakse i nove zakonske regulative.

Imajući u vidu pokazatelje efikasnosti rada prezentirane u Izvještaju o radu Pravobranilaštva Kantona Sarajevo za 2021. godinu, podatke o ostvarenim programskim ciljevima, kao i tabelarno prikazane brojučane podatke o zaprimljenim i riješenim predmetima u izvještajnom periodu, može se zaključiti da je Pravobranilaštvo ostvarilo značajne rezultate u svome radu usmjerenom na zaštitu imovinskih interesa Kantona Sarajevo u skladu sa zakonom. Ministarstvo pravde i uprave Kantona Sarajevo podržava razvoj kadrovskih i materijalnih kapaciteta Pravobranilaštva Kantona Sarajevo u skladu sa potrebama povećanog obima posla, kao i aktivnosti Pravobranilaštva Kantona Sarajevo usmjerene na ostvarivanje programskih ciljeva u narednom periodu.



M

Darja Sotić Kadenić



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-083, Fax: + 387 (0) 33 562-241
Web: <http://mpu.ks.gov.ba>, E-mail: mpu@mpu.ks.gov.ba

3/3

